

Arðskrá þessi er gerð samkvæmt lögum nr. 76 25. júní 1970, um lax- og silungsveiði og birtist til eftirbreytni öllum þeim, sem hlut eiga að máli.

*Landbúnaðarráðuneytið, 28. september 1973.*

**Halldór E. Sigurðsson.**

*Dorv. K. Þorsteinsson.*

Nr. 291.

3. október 1973.

## REGLUGERÐ

um starfssvið lögreglustjóra í Hafnarhreppi í Austur-Skaftafellssýslu.

### 1. gr.

Lögreglustjórinn í Hafnarhreppi hefur á hendi dómsvald í Hafnarhreppi að öllu leyti, bæði í opinberum málum og einkamálum, þar á meðal í fógetaréttar-, skiptaréttar- og uppboðsréttarmálum. Hann hefur á hendi þinglýsingar í Hafnarhreppi.

Lögreglustjórinn skal vera formaður dóms samkvæmt lögum nr. 41 frá 28. nóvember 1919 um landamerki o. fl. Sýslumaður Skaftafellssýslu skal þó vera formaður dóms þessa í málum varðandi mörk milli Hafnarhrepss og aðliggjandi jarða eða lóða.

Lögreglustjóri skal halda manntalsþing í Hafnarhreppi einu sinni á ári, en auk þess skal hann heyja aukadómþing, þegar þörf gerist.

### 2. gr.

Lögreglustjórinn hefur á hendi lögreglustjórn í Hafnarhreppi. Undir hann heyra öll þau málefni, sem heyra almennt undir lögreglustjóra, þar á meðal skráning öku-tækja.

### 3. gr.

Lögreglustjórinn hefur á hendi tollgæslu og tollstjórn í Hafnarhreppi.

Hann skal innheimta í Hafnarhreppi öll þau gjöld, sem innheimtumönnum ríkissjóðs er ætlað að innheimta.

### 4. gr.

Auk framangreindra málaflokka skal lögreglustjóri í Hafnarhreppi fara með yfirfjárráð, annast notarialgerðir, skráningu firma og félaga, svo og annast önnur málefni, er venjulega heyra undir bæjarfógeta.

Í Hafnarhreppi skal eigi vera hreppstjóri, og skal lögreglustjóri annast störf þau, sem heyrt hafa undir hann.

### 5. gr.

Dómsmálaráðherra úrskurðar vafaatriði, er upp kunna að koma, um valdmörk milli sýslumanns Skaftafellssýslu og lögreglustjórans í Hafnarhreppi.

### 6. gr.

Reglugerð þessi er sett samkvæmt heimild í lögum nr. 15 13. apríl 1973 um lögreglustjóra í Hafnarhreppi í Austur-Skaftafellssýslu og tekur gildi 1. janúar 1974.

*Dóms- og kirkjumálaráðuneytið, 3. október 1973.*

**Ólafur Jóhannesson.**

*Baldur Möller.*